

浦雅

七十老人張朝壩書卷

京兆集

國史樓詩

牛國畧



江關後集

舊史樓詩

半園題



浦雅

京兆集

國史樓詩

江浦陳瀏

宣統遜政之七年今歷十月一日余初膺國史之聘偕六第

瀚

挈次兒

頤

凌晨登大

學東樓喜心翻倒有懷大兒讜次孫履象比利時得長句二十四韻寄十一弟

浦黃

河南岸

孟冬朔日日出寒裳五層之高樓六弟次兒接踵至弟兄父子樓上頭是日大學

始開學多士望風而承流子爲講師弟教授我亦國史與纂修史館乃在大學內骨

肉團聚吾何求六弟已亥初遠征

赴俄羅
斯留學

次兒癸卯亦壯游

初留俄再
留比利時

兒年十五隨阿叔

十載海外仍淹留蚤夜攻苦叔與姪劬力問學春復秋橋梁道路大工作匠心獨運

爾最優年年望爾返鄉國此會良足解我憂此樓成於我兒手戶牖風雨勤綢繆兒

造此樓幾寒暑朱明宮闕眼底收西山爽氣盪襟袖便欲乘風凌滄洲先朝此是公

主第青門蕭史非其儔今者層樓宰地起一時學者聚美歐旁行文字類蟹爪謁謁

入耳紛鉤輶弱弟

十一弟留學巴黎

攜家依汴南西洲九載今歸休河流湯湯鐵橋下渾天法

物窮研搜儻再入京共晨夕我真瀟灑輕王侯大兒幼孫在戰地

德方攻比

願得息戰韜

戈矛長風萬里送客子使我望遠穿雙眸登樓縱目意寥廓逕往天際迎來舟陸生

越裝甚羞踴得酒苦思倒玉甌人生行樂貴及時何必車前擁八騶

又口占一截句

父子弟兄同應聘來登大學五重樓萬間廣廈最高處道是吾兒親手修

茄脯

月來日日餐茄脯眼底曾無第二殺此是瑞安回鶻豆壺盧鴨子漫相嘲

雨夜枯坐追懷黃循引先學

體芳

瑞安比我崔評事

斯立

氣猛才豪雜虬螭功業無成窮且餓薄餘文字慰吾衰

補錄

寄瑞安先生白下

朝廷不用石延年 事後追思只惘然 一下銀臺歸計決 再過劉島

劉公島距芝罘頗近

水

師燬買山招隱他生事 伏闕陳書十載前 顛領江關人易老 料難把酒問青

天

先生年過六十而止酒

哭瑞安黃先生

體芳

繁霜此夕上人頭 小別溫顏又幾秋 戰後乾坤哀破碎 病中肝肺貯煩憂 並無

陽羨田千頃 瞻有香山土一丘 淒絕門生衣似雪 孤兒相對涕交流

時余方丁外艱將訪令子中強

於武昌

老去凋疏苜蓿盤 及門書札勸加餐 帝方西幸羣隨扈 我欲南歸一撫棺 淚眼

惟看衫袖溼 平生賴有酒杯寬 丹心九死他無恨 所恨來朝事大難

玉尺量才去取公 曾將海水洗雙瞳 登龍早自矜門望 磨蝎生憎坐命宮 至竟

江湖飄斷梗祇今臺閣想清風人亡國瘁吾何說看汝銅駝沒棘叢

袞袞登朝闕葺多先生正氣作山河一從霜簡冲天後其奈金甌墮地何賢路
由來愁坎凜窮泉應不慮風波斜街門巷還如舊無復諸生載酒過

見說雲輶逝不留臨風灑泣那能休莫非海外傳聞誤從此天空汗漫游野哭
多應悲故壘陸沈未免惜神州遺編零落人間世倘有高才賦七洲

江左校士錄所載七洲洋賦以同門劉毓麟楊模爲絕佳

橋上鵲聲叫夜分窮途狐客不堪聞國中無地容安枕身後何人與定文峴首
每思羊叔子嫩隅終愧郝叅軍恩門風義論知己惆悵天邊數尺墳

羽毛珍惜道非孤正笏垂紳古大儒詩句推敲如鳥愈文章沆瀣比歐蘇掄才
豈許淆魚目指佞曾聞捋虎鬚揮手千金成往事家人生產只區區

才豪氣猛屢稱賢螻蛄蛟螭意萬千

先生每舉昌黎贈
崔評事以詩詔予

作賦敢居司馬右生天真在

謝公前要如魚直旌尸諫記有鸞章署醉仙

公任督學時
有此小印

私諡文元

蕭穎士

閣

士和賈

在青山滄海

唐彥謙弔方干詩

到今傳

夢黃中弢

紹箕

故人來問訊言笑似平生拙宦還家日征夫去國情
鐙光搖斷夢礎響助商聲郊外方多壘天心未厭兵

津浦車中作

征車隊隊趁朝暉小雨能令暑氣微岸柳去如奔馬
迅鑪煙化作黑風飛蜿蜒直下輕千里流蕩經年始一
歸要買青山埋白骨幾回客裏淚霑衣

送貞順歸浦口

悲來日夕發哀吟貧病更爲憂患侵嶺海孤征遷客恨
江關寂臥老夫心一腔幽憤真堪死十載蹉跎直到今
送爾布帆安穩去憑闌獨自淚霑襟

又

十載蹉跎久哀歌不忍聽爲卿胃炎暑只我已衰齡
長路歸心急空山墓草青數行

老淚盡珍重樹碑銘

柬周泊園

我家浦口且陸沈君爲我寄鄰生書鄰生負君更負我盧龍賣塞堪長吁翳我與君
忝同歲醪飲聽曲多歡娛三十年間一轉瞬今已各有霜髭鬚君昔騰驤金馬門我
在郎署徒區區迨君仗節撫江表我方正筴天南隅海桑衣狗有翻覆君乃拂袖同
二疏故人敦促强再起身依魏闕心江湖蝸盧咫尺儻相見荊榛賢路猶崎嶇命宮
箕宿遭赤舌同輩怪我膽氣麤今我抱有幽憂疾雖有鍼灸焉能除眼中石材尠可
語歲星談詠今則無瞻園舊人始識面應山一別十載餘小園花開春酒熟期君爲
我升簞輿

壽新城王晉卿年丈先生

樹枻七十

先生庚午優貢於族叔慶榮爲江南鄉榜同年今總纂國史

有清三百年有兩王新城尙書生於齊雅能以詩鳴先生生於燕才調更縱橫惟其

雄於文幾掩其詩名尙書官司李遷轉入上京俄焉陟清班平步躋公卿當其客揚
州歌舫聞燕鶯月明廿四橋時一彈哀爭故其所作詩明艷深於情先生起甲科宰
縣乃西征吏才邁倫等小鮮費割烹中歲困塵鞅老學披榛荆歷官至方伯操行比
水清平生歷川隴習爲邊塞行江山壯文采雪霜戒客程巖巖蒼松恣奔濤紛鏗訇
體格至鴻博風骨何峻崢匪如蛩咽露細響惟吁嚶矧况勤丹鉛夜讀燒短檠於學
無不窮武庫森甲兵經訓逮百家天高而日晶著作等其身秋蟪而春鷦天算暨地
輿森若棋列枰朝章並國故粲若巾置緇藏之名山中須鑿齊相楹傳之於子孫試
緘韋侯蠡工詩特餘事尖叉偶唱賡巍然魯靈光壇坫久主盟漁洋錄精華好句誇
侯鯖中原倘並驅尙書難爭衡尙書際國初海宇正太平雍容朝堂上祇有雅頌聲
今茲值國變易服復改正禁籙穴孤兔殿闕緣狸鼯御河賣鯉鯽海淀黏鵲鵲禾黍
滿故宮念之心怵怵故人獵高位雁行弟若兄纁蒲重禮羅常時招弓旌更不出策
仕益以勵堅貞安否問上皇時復憶隴鸚未宜助爲理蘿薛羞簪纓爛羊祇取辱異

代少逢迎四友賤羣質七子薄粲楨詎矜嚴瀨高聊同鄭谷耕肯以葡萄醅妨君葦
菜羹滇粵閩蠻觸湖湘連櫓槍弗屑世理亂寧計身枯榮志在專丘壑塵慮罔或撓
西學日東漸毒我蚩蚩橫流盛洪水潰決驕鯤鯨先生正厥誼邪說遭敲捫斯文
廢將墜隻手能孤擎文章雖小道衛道道乃宏狂瀾障百川網維張八紘白日麗中
天黃鐘酣噲呶嚴飈振敗籟寒冰驅羣蝨風氣會轉移吾道終昌明尙書修明史史
筆亦頗精較諸萬季野渤澥於蹏泓先生在史館雅量殊淵閎治書略分曹先生總
其成涑水及紫陽電掃千夫驚隨身兩書局史稿浩已盈絕業垂萬年好爵安足縈
翳我年家子望洋私屏營俗耳熟笙竽何曾知韶箴今從先生後使我感歎并賤子
於先生小草附荃蘅問字攀蜀彥琢句慚吳槍西園召雅集圖畫儼可呈借觀仇池
石老坡生譏評漢稱二子夏唐別雙韓翊名流溯宋代姓字相輝瑩前賢畏來者後
起實錚錚尙書之舊縣縣名蚤變更山東之新城今已改用他名矣譬彼安石墩謝公不敢爭新城有先
生觀聽爲之傾中國有先生文教稍支撐老而篤嗜學大年齊聃彭未嘗講服餌豈

必訪蓬瀛潞韓十二公盛會開耆英太史前致詞占吉歲在庚先生覽揆辰仲冬雪

始晴嘉賓敞華筵先生告以誠恆言不稱老高堂蒙庥禎親在禮則然毋爲錫瑤瓊

有客引禮經語妙堪析醒七十老而傳傳經責非輕後此逾七春重游泮水巽

先生以丙寅入

泮庚午貢成均丙子舉於鄉丙戌成進士太母蓬期頤

太夫人今年九十有三

家道彌泰享再後越十載當重宴鹿羣一百又

十歲太母稱壽觥今日良讌會旨酒倒玉罍先生其勿辭天又降祥霽尙書年古稀
趨朝賦曉鉦貂冠映雪髮朔吹凋千莖先生今七十造膝猶孩嬰板輿捧安仁綵衣
舞錢鏗南陔奏華黍侍膳聆吹笙我壽太夫人因以壽先生

答黃申甫太守

維翰

太守官兵部甚久江西崇仁縣進士時方叅畿輔軍事

一騎紅塵羽檄催嚴城笳鼓正喧簡誰知幕府黃戎部急送新詩索和來

過吳提法新居和黃申甫

提法名鈞號琴僧江西宜黃進士舊同官刑部時方自鐵門移家北御河橋

振雅堂前共把樽君今招隱近修門杜陵卜築年垂老元亮移居道更尊禁苑花開連柳岸家園酒熟夢菰村邇來其更無他願問舍求田長子孫

振雅堂爲刑部爬梭浙獄之地

山莊避暑記開樽辟世還從金馬門老去能誇詩筆健別來稍覺布衣尊私憐南海呼如願便擬西山訪後村他日結鄰無限好眼中芳草是王孫

謂後齋將軍溥侗

君嘗用余言理刑熱河

舞衫歌扇傍金樽載酒江亭出郭門自是風流賢守事未妨擺落諫官尊繡衣驄馬鴉江路湖舫魚羹宋嫂村莫要弘羊心計苦卻將卜式附公孫

君嘗筭浙江度支

君官御史時攜其鄉人彭鶴儔女郎往游陶然亭有詩紀之

小閣紗窗酒滿樽御溝流水恰當門人居講席鬚髯秀

君嘗居議院

地接仙都位望尊讀畫

惟應藏石谷著書何惜仿江村雞蟲擾擾君休問花底含飴自弄孫

又題扇贈之

招邀今夕倒芳樽穿限無勞踏鐵門投轄由來情誼厚當筵敢說輩行尊幾年賃廡
依松塔當日攜家住荔村敝帚千金堪愛惜楹書且喜付雛孫

再和黃申甫

高宴瓊林賜御樽記曾簪杏入宮門才名儻出廬陵土猛略從知駕部尊爲聽角聲
棲幕府偶攜鑱柄返鄉村隨身書局差堪羨千卷牛腰付子孫
絕塞鮮卑飲獸樽誰知白簡出師門長官頗訝書生戇父老能誇太守尊聞說桐鄉
依黑水還從栗里結朱村參軍落帽風流在定有泉明作外孫

君多女一似余也

孤館論交少酒樽梅郎一曲和雲門天涯歌哭皆詩料眼底俳優動世尊漫以風懷
矜竹垞那能淒豔及梅村年來煙墨荒蕪極卻擬樓頭署稻孫
昨飲君家進大樽君之文筆似龍門琴書已歎詞人老衰鉞翻驚國史尊蓋影大桑
屯涿郡軍聲細柳合楊村觸蠻蝸角真無賴未礙生兒又抱孫

再和吳琴僧同年寄呈張今頗上將身

錫鑾

寒花滿眼酒盈樽獨坐攤書嬾出門古處衣冠當代少

余與張半園袁珏生數君雪天觀劇著楊裘踞高樓皆田面美鬚髯萬目聳異公督

東三省之初亦楊裘赴梨園也

等身著作晚年尊白雲

廣州山名

嶺外非無路黃葉江干尚有村泥飲未妨過

酒市正應拄杖更攜孫

題鍾遜庵孝廉湖濱補讀圖和王晉卿年丈

舊時冠劍黯緇塵今代東游渤海濱蓮幕慣能千日醉花江又過二年春誰知薇省聯吟客卻遇棠窠耄學人木落前山天欲雪問從何處覓官薪

不堪影事夢前塵馬尾江波瘴水濱閩海波濤鹽筴富耿王宮殿玉蘭春幾多木客能呼鬼從古山膏善罵人雄樹堂中髯百丈定應亂後伐爲薪

劫餘萬卷化爲塵十口無從累穎濱桃葉難尋江口渡梅花記放嶺頭春昔爲輦下題襟者終作湖干打漿人躍馬天山前日事祇應霜澗拾寒薪

幾年並轡走京塵此日相逢曬網濱底事久淹窮塞外未如歸臥故園春門多載酒

嶽崎士家有添香嬋娜人願得結鄰湖水上與君同日歇勞薪

同縣懷山道人劉提軍

守琦遺像詩

翳我生之初先生駐靖江沿江逐流寇餘黨皆請降及我客江陰先生移蘆台蘆台

王子箴

楠

有堂曰三槐先生之舊好於我猶岑苔

時同官刑部

乙未治大獄

內府大臣立山監守自盜

乃益

謂我才是時翁常熟誤國邊衅開我方入豹直羽書日夕催庚子迄辛亥國亡所由

來堂堂聶將軍

士成

功宜圖雲臺先公之好友英魂纏蒿萊先生領一路軍容何恢恢

而猶讓故人陸沈良可哀合肥

李鴻章

主敦槃我及與尊疊先生事合肥其亦久矣哉

先生少從戎淮軍未萌芽奮死不顧身豈復知有家合肥稱賢者見輒屢歎嗟倘使

生廬州開府早建牙用賢有畛域寧爲賢相耶迨我任都運先生參務關大名

地名

宜專閫擲擋乃多艱敝屣視方鎮但務求安閒楊

連府

陳小石

特後起而已躋崇班爰

臂誠數奇豪士夫何顏我既罷官去先生歸道山兩家遙相望十里五里間桑梓必

敬恭至竟一面慳令子

啓昌

述先德清淚滋潸潸我今歌仰止高風庶可攀

又綴長句一絕

合肥召入賢良寺二月于京五月行我是秋初方稅駕未從蓮府拜先生

壽華亭耿伯齊戶部同年

道冲

七十和雷同年

補同

兼呈黃稼溪太守馬適齋大令

與子同年四十年難從遠道話纏綿歌拓戟憐工部紙筆和鉛媿馬遷自昔仙班

聯玉筍祇今幕府豔紅蓮澄江橫舍仍無恙白裕風流在眼前

君爲乙酉萃榜同年生廷試用京秩者八人今獨我與君及雷同年在耳皆江

陰南菁書院中慘綠少年也余與修國史有年以家弟飛青

瀚

曲江浦同在關

外輒應朱慶瀾張煥相兩將軍之聘來游松花江上自刻小印曰攜家出塞史

局隨身蓋紀實也

絹素稍能帶蠹芬南宮筆法重文勤

吳縣潘大司寇師祖蔭行草最精摩老米之壘

探花

華亭朱廣豐吏部由拔萃登一甲三名傳文勤衣鉢而君書名過之

恐

要廻三舍行草多應跨八分腕底龍蛇驚變幻壁間墨雨散繽紛

君精於書譜爲余作屏幅甚夥

寸珠尺

璧輪珍貴不數韋郎五朵雲